

www.BibleForChildren.org



Yoni 14



Yesu i baha nae uyahihi i pa, 'Ega ona nugonugohелеле
Yaubada ona witumaganeya ma gasi ona
witumaganeu. Amau a dobu uyahina ani wiyagohina
numahi hi maga duma, yaka apo tau a nae tuponana
uyahina, po omi ani mae a wononogogeya.



Itapa ega, apega ata paliwelemi. Apo a nae po dobuna a wononogogeya po ina kokoe ma a gunawileu po a weluwinimi, po u ani maena uyahina a memae taumi gasi apo ona mae.



Tau walehimi Yoni, amaka ta wibolu emosi Yesu
Keliso uyahina taumi po tau, uyahinei
tan'omtaibagibagi wiyuwa po witai

uyahihi Guyau anani taniwaga binei.
Tau Yaubada a baha a




guuguyeya ma
Yesu Keliso
tuwegana binei hi
paniu po
bonabonana
uyahina a memae.



Mala emosi Alugo Woiyawa a kadidili mayana a waya,
uyahinei taniwaga gehouna hoi yada a gagaleya anani
mae wasawasana uyahina i tugutugula.




Ma wiwawala emosi po emosi hoi yada po hoi hipuli,
po hipuli ma boga u hinehi po gasi a wiwawala tupo
atapuhi uyahihi a noonolihi ma hi
ibaabani hi pa, 'Yaubada ani mae
wasawasana uyahina i tugula ma
Sipi Natuna mitehi ta hunena
emotehi ma ta wiyateyatehi po ta
wotalagiyehi
babana tauhi Tu
kadidili houga
magomagouna
po ega anani
kokoe.'



Ma dobu waiwoyawana a gagaleya naka Yelusalem wouna i hopuhopu mai yadei ma Yaubada a wihiya galenana mei wawine tawine binei ma e ihiya ipa agona mitehi hina witutuhaga. Ma ani mae wasawasa uyahina pona gololona baneina a noonoli ma i pa, 'Hei,


Yaubada a lawa mitehi apo hina megogona po tauhi a lawa po tauna mitehi.



Ega yaka tu winoyanoyana yautu goilana i wiatatiyeu,
goilana i lugiigila imahiyena dumaya, Yaubada ma Sipi
Natuna hai ani mae wasawasa uyahinei e kolokololo
hopu mai.



Dobuna ega a luhogala ipa kabudala po wama hiya hina laalani, babana Yaubada a didiga atapuna e namanamali po gasi Sipi Natuna tauna dobuna yayatana.




Ma ginouli gobugobuhi
dobuna uyahina apega
hina lui, tu bagibagi
apapoehi po tu
wikoyakoyama apega
hina lui. Ma iyawoi
nawa amaka gowahi hi
gilugilumihi Sipi Natuna
a buka waiyautuna
u hinena, tauhi apo
hina lui.




Tauna mata diligwegwehi i
hamaga halehi po apega hilage
po wiyuwa po tou uyahihi ina
geleta babana memae odubona
amaka i kokoe duma.'




Dewa awai Yaubada i palipaligubahi apega hina lui gae
dobuna uyahina. Yaubada ma Sipi Natuna hai ani mae
wasawasa uyahina hina memae ma Sipi Natuna a tu
bagibagi uyahina hina wootalagae. Tepana apo hina
galeya ma gowana
u tepahi ina memae.




Ma tu hilahilage atapuhi a gagalehi balubaluhi po muhomuhohi, ani mae wasawasa u naona hi towotowolo ma buka hi lagahi. Ma buka gehouna hi lagahi tauna yautu bukana, po tu hilahilage i lauhetalehi bukahi u hinehi hai dewa i gilugilumihi uyahihiyei. Ma apo iyawoi ega gowahi ina tuhagahi yautu bukana u hinena yaka apo ina halena hopunehi domo waipoya dumana u hinena.



Ega yaka Alugo Woiyawa ma tu tawine wawinena hi baha hi pa, 'Yesu, una nei', po apo taumi iyawoi baha geke ona nonoli yaka apo ona pa, 'Yesu una nei'.



Ma taumi iyawoi uyopopomi hi halehaleehi ona nei, ma
iyawoi nugonugomi ipa luyagohana goilana ona
wiwababaya po on'umaya yaka on'umaya po ona
luyagohana.



Yaubada hipuli lawahi i luhogalehi
yaka Natuna emosi hota i palihaleya,
apo iyai ina witumaganeya yaka
apega ina hilage ma yautu
tuwetuwenai apo ina waya.



Loma 3:23 Tu mehipuli ataputa tu apapoe po Yaubada a wiwasawasa ta mepeu haleya.

Loma 6:23 Matababana apapoe a wimeiha naka hilage. Ma Yaubada anani'mbenena ega mihana naka luyagohana tuwetuwenai ata Guyau Yesu Keliso uyahina.

Hibulu 9:27 Tauta lawa ata taniwaga e memae ipa mala emosi hota apo ta hilage apoma libahibahi ta wialoni.

Epeso 2:8,9 Babana a lunugotootogo tepanei amaka i halota ata witumagana binei, ma ega tauta ata bagibagi uyahihiyei ma Yaubada tauna a ombenena uyahinei. Ega emoemotana po tauta ata bagibagi uyahinei luyagohana ta tuhagaya, meka po apo ta nugogegae po tana pa, 'Tauta ata kadidiligei'.



Loma 10:9,10 Inapa gamomgei Yesu una kawamoineya po tauna Guyau po nugonugomgei una witumagana naka Yaubada Yesu hilage uyahinei ma i witowoli yaka apo una luyagohana. Matababana nugonugomiyei ona itumagana yaka apo Yaubada ina houna idumalumi. Ma Yesu ona kawakawaguyougeya yaka apo ona luyagohana.

Yoni 3:16,17 Yaubada hipuli lawahi i luhogalehi yaka Natuna emosi hota i palihaleya, apo iyai ina witumaganeya yaka apega ina hilage ma yautu tuwetuwenai apo ina waya. Yaubada Natuna i himihimiliyai hipuli lawahi ubeita, ega ipa ina wigouta ma ipa ina luyawihita.



1 Yoni 5:11-13 Ma a limoina naka Natuna uyahinei luyagohana memewahagana i weleta. Apo iyai Yaubada Natuna mitehi hina memae, lawana luyagohana amaka i tuhagaya ma apo iyai ega Yaubada Natuna mitehi, tauna luyagohana ega uyahina. Omi leta geka a gilugilumiyahi ipa ona hanapugeya, ma inapa Yaubada Natuna gowanei ona itumagana apo luyagohana tuwetuwenai ona tuhagaya.



Yoni 14; 2 Kolinito 5 ;
Yaubada a wogeletana 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Tawala NT (tbo) © 1985, Wycliffe Bible Translators, Inc. All
rights reserved.

<https://live.bible.is/bible/TBOWBT/MAT/1>

©2025 Bible for Children, Inc.

www.M1914.org

www.bibleforchildren.org

